

Broj: 04-34-10- 4429 -1 /23
Mostar, 16. 10. 2023. godine

– Univerzitet u Sarajevu
Obala Kulina bana 7
71000 SARAJEVO

– Univerzitet u Tuzli
Ulica dr. Tihomila Markovića 1
75000 TUZLA

– Sveučilište u Mostaru
Trg hrvatskih velikana 1
88000 MOSTAR

– Univerzitet u Zenici
Fakultetska 3
72000 ZENICA

– Univerzitet „Džemal Bijedić“ u Mostaru
Univerzitetski Kampus
88104 MOSTAR

– Univerzitet u Bihaću
Ulica Kulina bana 2
77000 BIHAĆ

– Franjevačka teologija Sarajevo
Aleja Bosne srebrene 111
71000 SARAJEVO

SVEUČILIŠTE U MOSTARU

Datum: 16. 10. 2023			
Broj	Prilog	Vrijednost	
01	5348		

PREDMET: Dodjela podrške najboljim studentima, državljanima Bosne i Hercegovine, koji studiraju na javnim visokoškolskim ustanovama u Federaciji Bosne i Hercegovine - Poziv za kandidiranje studenata, dostavlja se

Poštovani,

Ovim putem Vas obavještavamo da je Federalno ministarstvo obrazovanja i nauke/znanosti raspisalo Poziv za kandidiranje studenata, koji studiraju na javnim visokoškolskim ustanovama u Federaciji Bosne i Hercegovine, čiji je ukupni uspjeh ostvaren do kraja akademske 2022/23. godine.

U skladu s Odlukom o provođenju postupka kandidiranja za dodjelu podrške najboljim studentima, državljanima Bosne i Hercegovine s prebivalištem na području Federacije BiH koji studiraju na javnim visokoškolskim ustanovama u Federaciji BiH, broj: 04-34-10- 4429 /23 od 11. 10. 2023. godine, javni univerziteti/sveučilišta trebaju izvršiti izbor najboljih studenata te kandidirati po jednog najboljeg studenta za svaku organizacionu jedinicu, prema kriterijima koje je utvrdilo ovo ministarstvo.

Podrška se odnosi na:

- najbolje studente završne godine I. ciklusa studija, čiji je uspjeh ostvaren na ukupnom dosadašnjem studiju zaključno s akademskom 2022/23. godinom;
- po jednog najboljeg studenta/studenticu sa svake organizacione jedinice/fakulteta, akademije i pridruženih članica s najboljim postignutim uspjehom na dosadašnjem studiju;

- u slučaju da dva ili više studenata imaju jednak prosjek ocjena, prednost ima student koji je tokom studija uspješno učestvovao/sudjelovao u naučnom, stručnom i volonterskom radu.

Podrška se dodjeljuje najboljim studentima koje kandidira njihov fakultet posredstvom i na osnovu kandidatura dostavljenih od strane javnih univerziteta s područja Federacije Bosne i Hercegovine. Pod istim uvjetima mogu se kandidirati i studenti Franjevačke teologije u Sarajevu.

Jedan fakultet, akademija ili pridružena članica mogu kandidirati samo jednog studenta/studenticu završne godine I. ciklusa studija s najboljim postignutim uspjehom na dosadašnjem studiju.

Broj odobrenih stipendija/nagrada najboljim studentima je jednak broju organizacionih jedinica/fakulteta, akademija i pridruženih članica na svakom javnom univerzitetu/sveučilištu u Federaciji Bosne i Hercegovine.

Pozivamo vas da, prema kriterijima navedenim u ovom pismu, dostavite popis s imenima najboljih studenata kako slijedi:

R.br.	Javne, privatne i vjerske visokoškolske ustanove	Broj organizacionih jedinica			UKUPNO:
		akademija	fakulteta	pridružen	
1.	Univerzitet u Sarajevu	3	22	1	26
2.	Univerzitet u Tuzli	1	12		13
3.	Sveučilište u Mostaru	1	10		11
4.	Univerzitet u Zenici		8		8
5.	Univerzitet "Džemal Bijedić" Mostar		8		8
6.	Univerzitet u Bihaću		7		7
7.	Franjevačka teologija Sarajevo		1		1
	Ukupno				74

Za finansijsku realizaciju, uz popis-listu najboljih studenata potrebno je dostaviti sljedeću dokumentaciju kandidiranih studenata:

- Ovjerena kopija osobne/lične iskaznice studenta;
- Ovjerena kopija CIPS-ove prijave prebivališta;
- Ovjeren prosjek ocjena tokom cijelog studija (akademski uspjeh);
- Potvrda banke o posjedovanju tekućeg računa studentice/studenta, s brojem transakcijskog računa banke (ne starija od tri mjeseca).

Integralni tekst Poziva, može se preuzeti na službenoj internet stranici Federalnog ministarstva obrazovanja i nauke/znanosti: www.fmon.gov.ba.

Popis najboljih studenata s dokumentacijom potrebnom za finansijsku realizaciju, dostaviti najkasnije do srijede, 1. 11. 2023. godine. Nepotpune, neblagovremene i neodgovarajuće prijave neće se uzeti u razmatranje.

S poštovanjem,



Po ovlaštenju Ministrice
POMOĆNIK MINISTRICE
mr.sc. Jasmin Branković